

आकाशवाणी

खबरां ----

1. सुप्रीम कोर्ट नै चुनांऽ आयोग गी बिहार च चुनांऽ रोल दे अपने विशेष गहन संशोधन गी अगो कम्म करने दी अनुमति दिती।
2. केंद्र सरकार नै हाड़, पस्सी कन्नै प्रभावित राज्य असम, मणिपुर, मेघालय, मिजोरम, केरल ते उत्तराखंड लेई 1 ज्हार 66 करोड़ शा मती राशि गी मंजूरी दिती ऐ।
3. केंद्री शिक्षा मंत्री धर्मेन्द्र प्रधान होरें आखेआ ऐ जे विकसित भारत दे लक्ष्य गी हासल करने च विश्वविद्यालयें दी अहम भूमिका होग।
4. केंद्री वित्त मंत्री निर्मला सीतारमण होरें इस गल्लै पर जोर दिता ऐ जे नान बैंकिंग फाइनांशियल कंपनियें आसेआ दोआर वसूली गी निरपक्ख ते सम्मान तरीके कन्नै कीता जाना लोड़चदा ऐ।
5. ई.डी नै विजय देवेराकोंडा, प्रकाश राज ते राणा दुग्गूबाती सने 29 हस्तियें गी सट्टेबाजी ऐप दा इस्तेमाल करने लेई मामला दर्ज कीता ऐ।
6. ते मौसम विभाग नै अगले 2 दिनें लेई मध्य प्रदेश, छत्तीसगढ़ ते विदर्भ च भारी बरखा पौने करी ओरेंज अलर्ट जारी कीता।

## SC-Bihar Electoral Polls

सुप्रीम कोर्ट नै अजज आखेआ ऐ जे बिहार च चुनांs आयोग आसेआ Electoral polls च संशोधन संविधान दे जनादेश दे अंदर ऐ लेकन Special Intensive revision (SIR) दे समें उप्पर सवाल खड़े कीते न। कोर्ट नै पुच्छेआ ऐ जे इस चीजा गी बिहार विधानसभा चुनाएं कन्नै की जोड़ेआ जा करदा ऐ ते चुनां दी परवाह नेई करदे होई इस कवायद गी पूरे मुल्खै आस्तै की नेई कीता जाई सकदा। जस्टिस सुधांशु धुलिया ते जस्टिस जोयमल्या बागची दी पीठ नै टिप्पणी कीती ऐ जे जेकर नागरिकता दी जांच करनी ही तां मतदान निकाय गी इस मामले उप्पर पैहले गै कार्रवाई करनी चाइदी ही। याचिकाकर्ताएं आयोग आसेआ आधार कार्ड गी एस.आई.आर च दस्तावेजें दी सूची थमां बाहर कडुने पर सवाल खड़े कीते न। पोलनिकाय नै दलील दिती ऐ जे भारत च मतदाता होने लेई नागरिकता दी जांच करने दी लोड़ ऐ ते आधार गी नागरिकता दे सबूत दे तौरा उप्पर इस्तेमाल नेई कीता जाई सकदा ऐ।

<><><><><><>

## Central-Flood Assistance

केंद्र सरकार नै असम, मणिपुर, मेघालय, मिजोरम, केरल ते उत्तराखंड दे हाड़ ते पस्सी पौने करी प्रभावित राज्यें गी 1 ज्हार 66 करोड़ शा मते दी राशि जारी करने दी मंजूरी देई दिती ऐ। गृह मंत्रालय दे मूजब असम लेई 375 करोड़ शा मती, मणिपुर गी 29

करोड़ शा मती, मेघालय गी 30 करोड़ शा मती, मेघालय गी 30 करोड़ शा मती,  
मिजोरम लेई 22 करोड़ शा मती, केरल लेई 153 करोड़ शा मती ते उत्तराखंड लेई 455  
करोड़ शा मते दी राशि मंजूर कीती गई ऐ।

<><><><><><>

## PM>Returns

प्रधानमंत्री नरेंद्र मोदी होर घाना, त्रिनिदाद ते टोबैगो, अर्जेंटीना, ब्राजील ते निमीबिया  
दे अपने सफल 5 मुलखें दे दौरे मगरा नमी दिल्ली वापस पुज्जी गे न। उंदी जात्तरा दे खीरी  
चरण च भारत ते नामीबिया नै प्रधानमंत्री नरेंद्र मोदी हुंदी मौजूदगी च नामीबिया च  
उद्यमिता विकास केंद्र दी स्थापना ते सेहत ते चिकित्सा दे क्षेत्र च सहयोग बारै दो  
एम.ओ.यू पर दस्तखत कीते गे। इस बरे दे अखीर च नामीबिया च डिजिटल भुगतान  
प्रणाली शुरू करने ते भारत आपदा बुनियादी ढांचे आस्तै गठबंधन ते Global Bio fuel  
Alliance दी अगुवाई च वैश्विक पहलकदमियें च नामीबिया दे दाखले बारै बी इस दौरे  
दौरान 3 बड्डियां घोषणा कीतियां गेइयां।

<><><><><><>

## EZC

केंद्री गृह मंत्री अमित शाह हुंदी अध्यक्षता च 27मीं पूर्वी अचल Eastern Zonal  
Council दी बैठक अज्ज रांची च शुरू होई गई। इस बैठक दा मकसद देसै दे पूर्वी हिस्से  
लेई केंद्र आसेआ कीती गेदी विकास पहलकदमियें उप्पर ध्यान देना ऐ जेदे च चार राज्य

झारखंड, बिहार, ओडिशा ते पच्छिम बंगाल शामिल न। ओडिशा दे मुख्यमंत्री मोहनचरण मांझी ते उपमुख्यमंत्री पार्वती परिदा, बिहार दे उपमुख्यमंत्री सम्राट चौधरी ते राज्यमंत्री विजय चौधरी होरें इस बैठक च हिस्सा लैत करदे न। इस शा पैहले झारखंड दे मुख्यमंत्री हेमंत सोरेन होरें सारे गणमान्य दा सुआगत कीता।

<><><><><><>

### Vice-Chancellors Conf.

केंद्री शिक्षा मंत्री धर्मेन्द्र प्रधान होरें आखेआ ऐ जे विकसित भारत दे लक्ष्य गी हासल करने च यूनिवर्सिटियों दी अहम भूमिका होग। नर्मदा दे केवडिया च केंद्री विश्वविद्यालयें दे उप कुलपति दे 2 रोजा सम्मेलन दा उद्घाटन करदे होई श्री प्रधान होरें आखेआ जे पिछले इक दाहके च देश दी उच्च शिक्षा ढांचे च बुनियादी बदलाव आया ऐ।

<><><><><><>

### Sitharaman-NBFC's

केंद्री वित्त मंत्री निर्मला सीतारमण होरें इस गल्लै उप्पर लो पाई जे गैर बैंकिंग वित्तीय कंपनियों दे दोआर वसूली गी निश्पक्ष, सहानुभूति ते सम्मानजनक तरीके कन्नै चलाया जाना लोड़चदा ऐ ते कन्नै गे आर.बी.आई दी फेयर प्रैक्टिस कोड कन्नै सख्ती कन्नै तालमेल बनाई रक्खेआ जाना लोड़चदा ऐ। उनें एहू गल्ल नमीं दिल्ली च NBFC symposium-2025 गी संबोधित करदे होई आक्खी। मंत्री होरें NBFC गी अपने मूल विश्वासें,

नैतिकता दे हिस्से दे तौरा पर शासन, जोखिम प्रबंधन ते ग्राहक सुरक्षा गी इकट्ठा करने दी लोड़ उप्पर बी जोर भरेआ।

<><><><><><>

## Guv. Bridge Collapse

गुजरात दे बडोदरा जिले च इक नदी उप्पर बने दे पुल दे ढेई जाने करी मरे दे लोकें दी गिनतरी 12 होई गेई ऐ। कल पदरा कस्बे दे गंभीर ग्रांS दे कोला 4 दाहके पराने फुल दा इक हिस्सा ढेई जाने मगरा कई गड़ियां महिसागर नदी च डुब्बी गेइयां हियां। घटना स्थल पर अजें बी बचाव अभियान जारी ऐ। जिला प्रशासन इस बचाव कार्य दी लगातार निगरानी करारदा ऐ। मुख्मन्त्री भूपेंद्र पटेल होरें इस घनटा दी जांच दा हुक्म दित्ता ऐ।

<><><><><><>

## CM-Tourism

मुख्मन्त्री उमर अब्दुल्ला होरें आखेआ ऐ जे पहलगाम आतंकी हमले दे बाद जम्मू-कश्मीर च सैलसफा खेत्तर च नमी जान औने गी लेइयै बड़ा मेदे भरोचा म्हौल ऐ। कोलकाता च जात्तरा ते सैलसफा मतल्लक इक कार्यक्रम दे दरान बोलदे होई उमर होरें आखेआ जे पहलगाम हमले दे बाद सैलसफा खेत्तर परतियै पटरी पर औने कन्नै जम्मू-कश्मीर च इक नमीं शुरूआत दी मेद ऐ। उ'नें आखेआ जे 2025 ब'रा प्रदेश लेई कोई सौक्खा ब'रा नेई ऐ ते इस ब'रे गी पहलगाम आतंकी हमले शा पैहले ते ओहदे बाद आहले द'ऊं हिस्सें च बंहुआ जाई सकदा ऐ। उ'नें आखेआ जे जम्मू-कश्मीर च सैलसफा खेत्तर गी फी बधदे होई दिक्खेआ जाई सकदा ऐ ते एह मेदे भरोचा संदेश ऐ।

<><><><><><>

## Cloudburst-Kishtwar

किश्तवाड़ जिले दे सजर पाडुर इलाके च बहल फट्टने दी घटना पेश आई ऐ। उआं इस क्रोपी करी जानी नुकसान नेई होआ ऐ पर पूरे इलाके च बड़ा मता पानी भरोची गेआ। बचाऽ टीमें गी प्रभावित इलाकें च भेजी दित्ता गेदा ऐ। तोआई, मौसम विभाग नै मौसम सरबन्धी चेतावनी जारी करदे होई लोकें गी सलाह दित्ती ऐ जे ओहू सोहगे-सतर्क रौहन ते चिनाव दरेआ सने नाले बगैरा आहले इलाकें च नेई जान। प्रशासन नै सब्भनें गी गुजारश कीती ऐ जे ओहू जारी निर्देशें दी पालमा जकीनी बनान।

<><><><><><>

## ED-Money Laundering

प्रवर्तन निदेशालय नै कथित तौरा पर गैर कनूनी सट्टेबाजी आवेदनें गी बढ़ावा देने दे मामले च 29 कलाकारें, प्रभावशाली लोकें ते यूट्यूबर्स खलाफ मनी लांड्रिंग दा मामला दर्ज कीता ऐ। इस चाल्ली दा एक्ट सार्वजनिक जुआ कनून यानि पब्लिक गैम्बलिंग एक्ट दा उल्लंघन करदा ऐ। एहदे च फिल्म एक्टर विजय देवेराकोंडा, राणा दग्गूवटी, प्रकाश राज, निधि अग्रवाल ते प्रनीता सुभाष बी शामिल न जिंदे उप्पर ई.डी नै मामला दर्ज कीता ऐ।

<><><><><><>

## IMD

भारत दे मौसम विभाग नै अगले 2 दिनें लेई मध्य प्रदेश, छत्तीसगढ़ ते विदर्भ च भारी बरखा पौने करी ओरेंज अलर्ट जारी कीता ऐ। मौसम एजेंसी नै दिल्ली ते एहदे कन्नै लगदे एनसीआर क्षेत्र ते पंजाब च अगले 24एं घंटें लेई बरखा दा ओरेंज अलर्ट जारी कीता ऐ। आकाशवाणी कन्नै खास गल्लबात करदे होई मौसम विभाग दे वरिष्ठ वैज्ञानिक आर.के जेनामणि होरें दस्सेआ जे पच्छमी हिमालय दे राज्यें सने उत्तर पच्छमी भारत च भारी बरखा जारी रौहगा।

## IMD-NCR

दिल्ली एनसीआर दे केई सारे हिस्सें च बडुलै तेज बरखा होई। तेज बरखा करी आई.टी.ओ धोला कुआ, नेहरू, प्लेस, नागालैंड ते मुंडका सने राश्ट्री राजधानी दे केई हिस्से च पानी भारी गेआ ते यातायात पर असर पेआ। गुरुग्राम च जिला आपदा प्रबंधन प्राधिकरण नै तेज बरखा गी दिक्खदे होई जिले च सारे कारपोरेट दफ्तरें ते निजी संस्थानें गी बंद करने दी सलाह दिती ऐ। सरमौर जिले दे गिरी जैतौन डैम थमां अज्ज बडुलै पानी छोड़ेआ गेआ। खित्ते दे नदिएं दरेआएं च पानी दा स्तर बदी गेआ ऐ। राज्य दे इमरजेंसी आपरेशन केंद्र मूजब 20 जून मगरा बरखा सरबंधी घटनाएं च 85 लोकें दी मौत होई 34 लोक लापता न ते 129 घायल न।

<><><><><><>

## IMD-HP

दिल्ली एनसीआर दे केई सारे हिस्सें च बडुलै तेज बरखा होई। तेज बरखा करी आई.टी.ओ धोला कुआ, नेहरू, प्लेस, नागालैंड ते मुंडका सने राश्ट्री राजधानी दे केई हिस्से च पानी भारी गेआ ते यातायात पर असर पेआ। गुरुग्राम च जिला आपदा प्रबंधन प्राधिकरण नै तेज बरखा गी दिक्खदे होई जिले च सारे कारपोरेट दफ्तरें ते निजी संस्थानें गी बंद करने दी सलाह दित्ती ऐ। सरमौर जिले दे गिरी जैतौन डैम थमां अज्ज बडुलै पानी छोड़ेआ गेआ। खित्ते दे नदिएं दरेआएं च पानी दा स्तर बदी गेआ ऐ। राज्य दे इमरजेंसी आपरेशन केंद्र मूजब 20 जून मगरा बरखा सरबंधी घटनाएं च 85 लोकें दी मौत होई 34 लोक लापता न ते 129 घायल न।

<><><><><><>

## IMD-Nagpur

महाराष्ट्र दे विदर्भ क्षेत्र च तेज बरखा करी हाड़ दी स्थिति बनन लगी पेदी ऐ। प्रदेश दी सरकार आसेआ स्थिति पर नेइमी तक्क रक्खी जा करदी ऐ। नागपुर जिले लेई अज्ज आस्टै भारी बरखा दा ओरेंज अलर्ट जारी कीता गेआ ऐ। इस करी रेल यातायात पर बी असर पेआ ऐ।

<><><><><><>

## IMD-MP

मध्य प्रदेश च बरखा दा दौर जारी ऐ। मौसम विभाग नै 14 जिलें च बड़ी मती भारी ते 22 जिलें च भारी बरखा होने दी चेतावनी दिती दी ऐ। बरखा करी आम जन जीवन पर बड़ा मता असर पेआ ऐ। जबलपुर, रीवा, शहडोल, मंडला, उमरिया, शिवपुरी, सागर दे कन्नोकन्नी ग्वालियर संभाग दे केई जिलें च हाड़ जनेहू हालात बने दे न।

<><><><><><>

## Tennis

विबंडलन टेनिस च नोवाक जोकोविच होरें फलेविओ कोबोली खलाफ इक बड़े सख्त मकाबले च जित्त हासिल करी लैती ऐ ते विम्बलडन दे मेन्स सिंगल्स दे रिकार्ड 14में सेमीफाइनल च पुज्जी गे न।

<><><><><><>

## Guru-Purnima

आध्यात्मिक ते शैक्षणिक गुरूएं दे सम्मान दा पर्व गुरू पुन्नेया अज्ज पूरी धार्मिक श्रद्धा ते खुशी कन्नै मनाया जा'रदा ऐ। हिंदू, जैन ते बौद्ध धर्म दिएं प्राचीन परम्पराएं दा इक अहम हिस्सा एह पर्व ओकड़े गुरूएं दे प्रति कृतज्ञता व्यक्त करने दा दिन ऐ जिनें अपने ज्ञान दी लोड़ कन्नै अज्ञानता दे न्हरे गी खत्मा कीतां अज्जै दे पवित्तर ध्याड़े पर लोक बशेश प्रार्थनाएं दे कन्नो-कन्नी बरत बी रक्खदे न ते सेवा दे कम्म बी करदे न। हिंदू कलेंडर मूजब, एह पर्व हाड़ म्हीने दी पैहली पुन्नेया गी मनाया जंदा ऐ जेड़ी जून ते जुलाई दे म्हीने दरान औंदी ऐ। प्रधानमंत्री नरेंद्र मोदी होरें गुरू पुन्नेया दे मौके पर देशवासिं गी

मुबारकबाद दित्ती ऐ। लेफ्टिनेंट गवर्नर मनोज सिन्हा ते मुख्मन्त्री उमर अब्दुल्ला होरें बी लोकें गी इस पवित्तर ध्याड़े दिआं ममारखां दित्तियां ना।

<><><><><><>

### Guru-Purnima Poonch

राज गुरू गद्दी श्री दशनामी अखाड़ा पुंछ ते भिराम शाह गुरू गद्दी गुरू निवास पुंछ च बी अज्ज गुरू पुन्नेया दा पर्व पूरी धार्मिक श्रद्धा ते खुशी कन्नै मनाया गेआ। जम्मू-कश्मीर सने देसै दे होरनें हिस्सें थमां बी ज्हारां-बद्दे श्रद्धालुएं इस कार्यक्रमै च हिस्सा लैता ते गुरू स्थान पर मत्था टेकेआ।

<><><><><><>

### Rural-Roads

केंद्री ग्रामीण विकास मंत्रालय आसेआ जम्मू ते कश्मीर दे 19 जिलें च 316 शिडकें दे निर्माण लेई 4 ज्हार 224 करोड़ रपे मंजूर कीते गे ना। एहू मंजूरी प्रधानमंत्री ग्राम सड़क योजना गेड-4 तैहत थहोई ते एहदे राएं 1 ज्हार 781 किलोमीटर शिड़क बनाई जाग। सब्बनें शा मती शिड़कें दी मंजूरी राजौरी जिले लेई हासिल होई ऐ। 41 शिड़कें लेई 588 करोड़ 12 लक्ख रपे हासिल पुंछ च 40 शिड़कें दा निर्माण होग ते एहदे लेई 484 करोड़ 92 लक्ख रपे मंजूर कीते गे। रामबन लेई 416 करोड़ 10 लक्ख कन्नै 26 शिड़कां बनाइयां जाडन ते उधमपुर गी 304 करोड़ 18 लक्ख रपे 20 शिड़कें लेई हासिल होए ना।

<><><><><><>